

դարձեալ սկիզբն արարին յուզել զխնդիր Գողգոթայի, որոյ վասն Տէր Պետրոս և Տէր Վահրամ առին հանրագիր 'ի դատարանէ երուսաղէմի ստորագրութեամբ երեւելի այլազգեաց, յորում վկայեն թէ Գողգոթայն է անփհակահոսթիւն ազգին Հայոց 'ի վաղ ժամանակաց անտի, և է ցարդ 'ի ձեռս նոցա, և ոչ ոք 'ի քրիստոնէից ունի իրաւունս լինիլ ձեռնամուխ 'ի տեղին յայն, և կամ հակառակիլ և վէճս յարուցանել վասն այնր. ՎՁՎ. (1395):

Զհրովարտակս զոր տուեալ են Սուլթանք Եգիպտոսի առ Պատրիարքոսն և Կրօնաւորս Երուսաղէմի եղծեալ և թալանանեալ են մեծաւ մասամբ, և բազումք եւս չերեւին 'ի միջի, որպէս գրեցաք: Ահաւասիկ 1 հրովարտակ տուեալ յանուն Մարտիրոս եպիսկոպոսի սակս դարձուցանելոյ Գողգոթայն առ աղքն Հայոց՝ թերի և անթուակսն: 2 հրովարտակ, դարձեալ վասն այսր խնդրոյ, որոյ մի մասն միայն մնացեալ է, և ընթերցումն կարի դժուարին, գրեալ 'ի Վ Րէպիլ է վել ամսոյ ՎԾ. (1349): 3 հրովարտակ՝ յաղագս խնդրոյ Գողգոթայի, առնուլ 'ի ձեռաց Վրաց և տալ Հայոց, գրեալ 'ի Վ Մուհարրէմ ամսոյ ՎԾԱ, (1357), որոյ սկիզբն թերի այլ մեք կարի զգուշութեամբ փոյթ կալաք զամրողջսն դնել 'ի կարգի պատմութեանս:

'ի ժամանակին յորում իշխէին Սուլթանք Եգիպտոսի Ասորեաց և Պաղեստինոյ, և մինչդեռ էր Մէլիք Նասր յերուսաղէմ, այրեցաւ մին 'ի մեծամեծ մզկիթացն այլազգեաց 'ի Գահիրէ, զվասն արկին 'ի վերայ քահանայիցն Գալոսոյ, և յարեան Եգիպտացիք 'ի վերայ քրիստոնէից և անխտիր կոտորէին զնոսա ում և սպտաւէին, յաղմըկէս յայսմանէ մեռան բազումք 'ի քրիստոնէից յեգիպտոս և 'ի սահմանս նորա, և էր 'ի մեծի տաղնապլի և Պատրիարքն Աղէքսանդրիոյ՝ զի խնդրէին և զնա, եւ այլք ահիւ և երկիւղիւ ելանէին 'ի տանց իւրեանց, եւ այս տեւեաց ամս ինչ: Եւ Սուլթանն եւ քարոզ կարգաւ յեգիպտոս, յԱսորիս և յերուսաղէմ, և որք ընդ իշխանութեամբ նորա էին, չ'նըստիլ քրիստոնէից յերիվար և 'ի կիսէշ և չգնել փակեղ 'ի գլուխս ըստ օրինի այլազգեաց (1389):

Մարտիրոս եպիսկոպոս և և միաբանք լեռնակողման, տաղտկացեալ յերեսաց Երաբացոց, որք հանապազ պա-